



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

45. Henricus IV. ab Isna, seu Isenheimio Franciscanus.

urn:nbn:de:hbz:466:1-11463

HENRICVS IV.

Anno
Christi
1274.

Ab Isna, seu Isenheimio,
Franciscanus.

Basileensis Episcopus.

XLV.

EX Pistoris filio tenuique fortu-
nâ, viam virtute & præclaris ani-
mi dotibus sibi stravit Henricus, ad
mitram tandem & ad ipsum Imperij
septemviratum. In ordinem enim
S. Francisci cooptatus, Theologiæ
Doctores insignia capeſſivit primo;
deinde Rudolpho Imperatori à sa-
cris confessionibus & consiliis, an-
no 1274. Basileensis Episcopus eligi-
tur. Quod ipse munus gessit feli-
citer & seriâ in tractandis negotiis
maturitate, magno cum totius Diœ-
cesis emolumento. Anno 1278.
Henricus ducentis argenti Marcis
emitarcem Zogern à Comite The-
Q 2 obal-

Anno
Christi
1278.

obaldo Pfirtenfi, cum quo ad cavendas lites, ita quoque de Illfurto ac Hohen-Rôdern convênit, ut Theobaldus, postquam emptionem Comitatus Pfirtenfiis eo confirmâisset modo, quo, ut vidimus, sub prioribus Episcopis facta erat, ita & ipse simili feudi jure, ea quæ ultimò vendiderat loca, retineret.

Anno 1275. Moniales ordinis S. Augustini, sub Dominicanorum Patrum cura, Cœnobium Clingenthal, auspiciis & favore Rudolphi Imperatoris, in minori Basileæ urbe extruxerunt. Quo perfecto ædificij opere, templum Ecclesiæ ritibus sacris inauguravit Bonifacius Suffraganeus Basileensis anno 1297. 17. Maij. Idem effecerunt anno sequenti Eremitæ S. Augustini, Senatus beneficiâ singulari usi in Cœnobij templique ædificio fabricando. Secutæ mox Clarissæ, sedem fixerunt in
 minori

minori Batilæ parte, quam antea *Anno*
Fratres de Pœnitentia incoluerant, *Christi*
curâ moderandi illas virgines Deo *1281.*
sacras Patribus Franciscanis deman-
datâ.

Anno 1281. Anna ab Hohenberg
gente Sueva, Rudolphi Imperatoris
coniunx, Basileæ sepulta est in tem-
plo Cathedrali; cuius piis manibus
funebri pompâ parentatum est, de-
cernente Rudolpho pro anniver-
sariis sacris uxori faciendis, ut jus Pa-
tronatûs Augustæ veteris & Inningæ;
arcis item Rheinfeldensis, eidem Ec-
clesiæ cederet. Cuius donationis
confectæ sunt tabulæ Lucernæ, an-
no 1285. De Henrico nostro Basile-
ensi Episcopo tradit Iacobus Chiffle-
tius in sua Vefontione, ex charta an-
ni 1280. consignata apud Insulam
supra Dubim prope Abbatiam Loc-
crescentis, quòd ille subiectionem
Odoni 67. Archiepiscopo Vefonti-

Anno
Christi
1281.

nenſi promiſerit. Et quamvis Hen-
ricus quietis publicæ ſtudioſus, pa-
cem cum vicinis Principibus ſanctè
colere ſtuderet, belli tamen ſerias
admittere cogitationes coactus eſt,
ad arcendum finitimum hoſtem.
Fuit is Reginaldus Mont-belgardi
Comes, qui anno 1283. militaribus
copiis Bruntrutum & arcem monti
urbi vicino impoſitam ſuæ poteſta-
tis fecit. Commotus improvifa hac
irruptione Henricus, opem Rudol-
phi Imperatoris implorat, & facile
impetrat. Adeſt à Cæſare copioſus
miles, arctâ premitur obſidione
Bruntrutum, quæ cum ipſa Qua-
drageſima initium & finem accepit.
Redditâ urbe, Comes cogitur ob-
nunciare omni juri, quod in id op-
pidum & arcem prætenderet, uti &
in Advocatiam Ergoviæ, villam, ſeu
pagum Buris, arcem Mylandam &c.
Conſenſit tamen Epiſcopus, ut To-
parchiâ

parchiâ Blamont, cum adiunctis aliquot decimis, Episcopatus Basileensis feudo gauderet impoſterum prædictus Comes,

*Anno
Christi
1284.*

Anno 1284. Basileæ nuptias, digno Cæsare apparatu, celebravit Rudolphus Imperator, annos ipse natus 66. ductâ quatuordecim annorum puella Agnete Othonis Burgundiæ Comitis filiâ. Inſequenti anno Legatum mittere Romam conſtituit ad Honorium IV. Pontificem nuper electum. Committitur legationis munus & gravissimarum juxta tractandarum cum Pontifice rerum, Henrico Basileensi Episcopo, quem idoneum ad hoc, industriûmque satis norât Imperator, datis ipsi membranis vacuis, Imperatorio solûm sigillo munitis, quibus, pro sua prudentia ex præconcep-
ta Rudolphi mente, plena cum potestate uteretur. Huius porrò lega-

Q 4

tionis

Anno
Chrj
1284.

tionis optatissimus Pontifici fuit
successus, quando Rudolphus sacrae
Sedi confirmavit Bononiam & Ro-
maniolam, & simul Exarchatu Ra-
venate cessit. Officio legati prae-
clare functus Henricus, Pontificis
summā erga se gratiam ita promeri-
tus est, ut pinguem bene navatae o-
perae remunerationem expectare
posset. Nec aliter accidit. Integro
jam triennio Moguntinam dignita-
tem prensabant avidissimē, Petrus
à Reichenstein Moguntinus Basile-
ensisque Praepositus, & Gerardus
Eppenstein Archipresbyter Trevi-
rensis, uterque favore, patrocinio,
factione potens, neuter sacrae fedi
hactenus satis probatus, quis eorum
praeponendus esset. Duos inter li-
tigantes praevaluit tertius, Henricus
ab Isna, nullius sane ambitionis su-
spectus. Is ergo jussu Honorij pro-
mulgatur Archiepiscopus Mogun-
tinus,

tinus, eamque sedem tenuit annis tribus ad diem usque decimum octavum Martij, anno 1288. In hunc postea mortuum, quod erga seculares nobiles magis quam Ecclesiasticos se propensum exhibuerit, vel potius, quod humili loco natum, si de nobili sanguine genitis, in Episcopali sede prælatum, habere coacti sint; vel denique propter Cleri mores acrius correptos, invisus, lepido sarcasmo lusit Poëtaster quidam.

Anno
Christi
1284.

*Nudipes Antistes, non curat Clerus,
ubi stes:*

*Dum non in Cælis, sis ubicumq;
velis.*

De hoc Moguntino Archiepiscopo prolixius agit Nicolaus Serrarius Soc. IESV, in sua Moguntia, & Guilimannus in Conrado 39. Argentinensi Episcopo, ubi mentio fit ge-

Q s

neralis

Anno neralis Conventus Patrum Franci-
Christi scanorum Argentinae coacti, cui
 Henricus praesentem se stiterit.

P E T R V S I.

A Reichenstein.

1288.

Basileensis Episcopus.

XLVI.

IN fastigio dignitatis Moguntinae
 Iubi constitutus est Henricus ab
 Isna, affectu ductus erga Petrum à
 Reichenstein singulari, solerter egit,
 ut Basileensibus, quibus ipse se ab-
 dicabat Infulis ad maiora jam evectus,
 suus olim Competitor cohonestaretur
 Petrus à Reichenstein. Novum
 hunc ergo Episcopum, qui prio-
 rem Episcopum Adversarium poten-
 tem damno suo expertus fuerat, for-
 tunae melioris spe erectus, bello la-
 cessere statuit Reginaldus Montbel-
 gardensis, Burgundorum auxilio
 elatior